

دینی ، علمی ، ادبی و اجتماعی

محفل

جلد ۵ ۱۳۳۸ سنه ۵

مجمع التلاوة

شیمدیلك عربی آیلری ابتداسنده نشر اولونور .

صارف ، مدیری ، محرری :

ربیع الاخر

۱۳۴۳



جزء

۵۴

شرائط تحریر: اسلامك نفغه خادم یازیلر مع التشر قبول ونشر اولونور . یازانك شخصیتی دکل ، یازینك ماهیتی نظر دقته آ لینیر . کونده ریله جك آثار اوقوناقلی ومختصرجه یازیلش اولمالیدر . کلن یازیلردن شایان قبول کورولنلر تاریخ صیراسیله درج ایدیلیر .

شرائط اشترای: هر سنه نك برنجی وایکنجی آلی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلی آیلغی : ۵۰ غروشدر . ممالک اجنیه ایچین ۲۰ و ۱۰ غروش علاوه سی لازمدر .

محفل

۱۳۳۸

مجموعه سنك یکن سنه لره عائد وپك چوق معلومات مفیده بی حاوی اولان نسخه لری منتظماً دیکلیمش واوزه درلینه قالین بررقاق کچیرله رک مجلد کتاب حالته کثیریشدر . خیرالانیس اولانیله جك بونقیس کتابلردن برنجیسنك موجودی بیتمش ، ۷-۱۲ نجی نسخه لری پراکنده اولارق قالمشدر . بهر نسخه سی ۱۰ غروشدر . ۳۴۲ و ۴ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ۱۰ غروشدر .

سرد واتیان ایدیور :

(من فسر القرآن) حدیثی دعوی زهد و ورعه ده حد معروفی تجاوز ایدن بعضی کیمسه لر ظاهری اوژییه حمل ایده زک زوایته مستند اولمایان هیچ بر تفسیرک دین اسلامجه مظهر قبول اولمایه جنی اعتقادنده بولونورلر و کندیلرینک نزدنده هیچ بر نقل صریحه معارض دوشمه یین نیجه ادله وشواهد قائم اولسه بیله کندی اجتهدلریله معانی قرآنیه استنباطندن شدتله امتناع ایدولر . حال بوکه ایی دوشونه جک اولسه لر (اعلمه الذین یستنبطونه) آیتله قرآن کریمده نظر ومفاکره واستنباط احکام ایله موسعاً مأذون بولوندیغمز و بلکه اوکا تشویق اولوندیغمز بر امر تعبدیدن بیله امر اضدن باشقه بر حرکتده بولونماقلرینی آکلارلر . اگر بونلرک دیدکری صحیح اولسه ایدی قرآنندن هیچ بر مجتهد طرفندن هیچ بر حکم استنباط اولونمازو کتاب الله کی بر خزینه لایقنای لاهوتینک پک چوق نقاطی امت طرفندن آکلاشیلماذن مهمل براقلمش اولوردی . اما دییه جک لکه (من فسر القرآن) حدیثک تهیدینه قارشى نه یالام ؟ بز ، اوکا جواباً دیر زکه :

اوراده کی تهیدیک مرجعی وهدفی ، قرآنک اقتضای لغاتی وایجاب اسالیب بدیعه سنه مغایر و روایات صحیحه حدیثیه یه ده منافی اوله رق محضا زای خود پسندانه استناداً یا پیلان تفسیرلردر ، یوقسه مطلقاً تفسیرلر دکل . هم افندم (القرآن ذلول ذو وجوه فاحلوا علی احسن وجوها) یعنی « قرآن ، متفکر دماغلره و خالصانه معانی جلیله سنی آراشدیرانلره قارشى عایت یوموشاق خویلودر . اونک وجوه عیدیه پی واردر . سز ، اونی او وجوهک اک کوزه لیه حمل ایدیکز » حدیثیه امتی قرانده تفکره سوق واستنباط احکامه تشویق ایله یین بر پیغمبر حکیم ، ناصیل اولورده یینه او استنباط وتفکردن منع ایدر ؟

الاهیات فاکولته سی تفسیر وتاریخ تفسیر مدرسی

بر غم علی جوهرت

صلاة کسوف

— کچن نسخه دن مابعد —

حضرت ابراهیمک وفاتندن برار صوگرا ، یعنی اونجی سنه هجریه ظرفنده بر صبح بر یهودی قادیی ، جناب عائشه نک زیارتنه گلش ، لاقیردی اثناسنده ام المؤمنینه خطاباً « الله سنی عذاب قبردن محافظه ایتسین » دیمشدی . حضرت عائشه ، ناسک قبرده معذب اولوب اولمایه جغنی رسول اکرمدن استفتا ایله مش ، ذات اقدس رسالتده « عائداً بالله من ذلك » بویوردقذن صوگرا را کبا بر یره عزیمت و کونشک انکسافی اوزمه رینه ضعی وقتنده عودت بویورمشدی ، بعضی کیمسه لرک کسوف شمس حضرت ابراهیمک وفاتنه حمل ایتمکده اولدقلری ده مسموع پیغمبری اولمشدی . بناء علیه حضرت بلاله « الصلوة جامعة » دییه ندا ایتدیروب خلقی مسجده طویلامش ، قیامی ، رکوعی ، سجودی مدید اولوق اوزره ایکی ، یاخود درت رکعت بر نماز قیلدیرمشدی که ختام صلاتنده کونشده کسوفدن قورتولمشدی . حضرت عائشه او نمازده کندن دها اوزون بر سجده ایتهدیکنی سویلیور . نمازی متعاقب شمس و قمرک آیات الهمیه دن ایکی آیت اولوب کیمسه نک موت و حیات ایچین منکسف اولمایه جقلرینی بیان وبویله بر حال وقوعنده نماز قیلوق دعا واستغفارده بولونوق لزومنی توصیه ایتمشدی .

حاجی ذهنی افندی مرحوم :

« رکوعی علیه السلام افندی ااطاله بویوردقلری ایچون ایکی یاپدی ظن ایدیله رک حدیث حضرت عائشه ده صلات کسوف ایکشر رکوع ایله قیلیندی دیو روایت اولونمش و او روایت مذهب امام شافعی اولمشدر » دییور . بخاریده کی حدیث عائشه ایسه شو وجهله در .

« کسفت الشمس علی عهد رسول الله صلی الله

عليه وسلم فقام النبي صلى الله عليه وسلم فصلی بالناس فأطال القراءة ثم ركع فأطال الركوع ثم رفع رأسه فأطال القراءة وهي دون قرائته الأولى ثم ركع فأطال الركوع دون ركوعه الأول ثم رفع رأسه فسجد سجدتين ثم قام فصنع في الركعة الثانية مثل ذلك ثم قام فقال ان الشمس والقمر لا يخسفان لموت احد ولا لحياته ولكنهما آيتان من آيات الله يريهما عباده فاذا رأيتم ذلك فافزعوا الى الصلاة » مالى :

« عهد نبويده كونش طوتولدى . رسول اكرم صلى الله عليه وسلم قلقوب ناسه نماز قيلد يردى . قرائتى اوزاتدين صوكرا ركوعه واردى . ركوعى ده اوزاتدى . صوكرا باشنى قالد يردى ، ايلك قرأتندن باشقه اولمق اوزره ايكنجى واوزون بر قرائته بولوندى . ايكنجى بر ركوعه واروب اوزاتدى . صوكرا باشنى قالد يروب سجده كيتدى و ايكي سجده ايتدى . شو حركاتى ايكنجى ركعتده تكرر ايله دى . بعده قيام ايله ، كونش و آى ، كيمسه نك موت و حياتى ايچين طوتولماز . لكن اونلر ، اللهك قوللرينه كوسترديكى آياتندن ايكي آيتدر . بويله بر حال كوردى ككزده نمازه قوشكز بويوردى » *

صلات كسوفه دائر (كتاب الصلاة) ده شو سطرلر محرردر : « كسوف و خسوف و زلزله و رياح شديده و امطار دائمه و صواعق محرقه و ظلمت هائله و ضوء هائل و عموم امراض كبي هول و فزع زمانلرنده بالجملة حادثاتك مبدع كائناته اضافه سنى تحقيقاً وقت كراهتك غيريده نمازه طور مق و ايكي و يادها زياده چيفت ركعت نماز قيلمق سنتدر . [*]

[*] اجرامه تأثير ابقى زعمندن خالى اولمايان انسانلر خسوف و كسوفده دخى درلو توهانه تابع اوله كلدكلرندن تأثيرى واحد قهاره حصر و هر بار صبر و صلوات ايله استعانه يي امر ايدن دين على بزه او اوهمدن فراغى و بوكي برر و سيله يه مبنى دخى نماز ايله اشتغالى توصيه بويورمش ديمكدر .

بويوك سورمه لر او قويه رق و ركوع و سجود تسبيحاتى چو غالتهرق بونمازلرى تطويل ايتك دخى سنتدر . عليه الصلاة والسلام افنديمز حضرتلرى « اذا رأيتم شيئاً من هذه الافراع فافزعوا الى الصلاة » بويورمشلر و ولد مكرملرى جناب ابراهيمك يوم وفاتنده واقع كسوفى موت مشار اليه بنا و اسناد ايتك ايسته ينلره جواباً مع الجملة ايكي ركعت نمازدن صوكرا خطبه صورتيله « شمس و قمر جناب حقت آياتنددر . هيچ كيمسه نك وفاى ، باخود حياتى ايچون طوتولمازلر » بويورمشلردر .

عصر حضرت رسالتده خسوف دخى مراراً واقع اولمش ايسه ده آنده جماعه نماز قيليندى رويت اولونماشدر . كسوف جماعتى دخى جمعه موجوديتيله مشروط اولوب آنده ده اذان واقامت و جهر قرائت مشروع دكلدر . اذانه بدل (الصلاة جامعة) ديو ندا اولونور .

بو نمازلرك هيچ برنده خطبه اولمدينى كبي دعا ايچون منبره چيقيمق دخى يوقدر .

صلات كسوف جماعه قيلينديغنه كوره امام بعد الصلاة او طوردينى يردى قبله يه قارشى اولارق و ياخود دها كوزل اولمق اوزره آياق اوزرى اولدينى حالده جماعنه يونه له رك دعا ايدر . جماعت قعوداً آمين ديرلر . - كتاب الصلاة

ظاهر المولى



عبادات اسلاميه تاريخچه سندن :

منبر سعادتك بانيسى :

منبر شريف نبوينك انصاردن برقادينك كوله سى طرفندن اعمال ايديلمش اولدينى ۴۴ نومرولونسخه ده يازيلمشدى .

اولا : بو خاتونك اسمى (علاشه) ياخود (عائشه) اولدينى مرويدر .